





樂城集卷第十

詩九十六首

和孔武仲金陵九詠

白鷺亭

白鷺洲前水奔騰亂馬牛亭高疑欲動船去似無憂  
洶湧山方壤澄清練不收中秋誰在此明月滿城頭  
覽輝亭

城裏最高處坡陁見一城山多來有緒江遠靜無聲  
歌吹風前度樓臺雨後明風光同楚蜀聊此慰生平  
鳳凰臺



鳳鳥久不至斯臺空復高何年種梧竹特地翦蓬蒿  
白水來無際青山轉幾遭南遊且未返江海共滔滔

天慶觀

興廢不可必冶城今靜祠松聲聞道路竹色淨軒墀  
江近風雲改亭深草木滋孤墳弔遺直狂閻閱元規

下壺墓  
在觀側

高齋

金陵佳處自無窮使宅幽深即故宮樓殿六朝遺燼  
後江山百里舊城中雨餘尚有金鈿落月出長窺粉  
堞空看盡一城懷古地茲遊恨不與君同

此君亭 在蘇寺

綠竹不可數孤亭一倍幽色分巖石潤梢出澗松修  
雪節寒方見春萌旱不抽故山多此物長恨未歸休

見江亭 在蔣山

江水信浩渺連山巧蔽虧端能上嶮絕故自識津涯  
滅沒檣竿度飄搖鷺羽遲何人倚舟望亦愛此峯危

定林院

定林兩山間崖木生欲合茅屋倚巖隈重重蔭清樾  
晨齋取旁寺生事信幽絕吾人定何為常欲依暖熟

入功德泉



續坡集 卷十  
君言山上泉定有何功德熱盡自清涼苦除即甘滑  
頗遭遊人病時取破匏搗煩惱雖云清凜然終在臆

遊鍾山

江南四月如三伏北望鍾山萬松碧杖藜試上寶公  
龕衆壑秋聲起相襲青峯回抱石城小白練前橫大  
江直石梯南下俯城闔松徑東蟠轉山谷喬林無風  
聲如兩時見遊僧石上息行窮若澗一庵巖坐弄清  
泉八功德歸尋晚飯衆山底困卧定林依石壁朝遊  
不知澗谷遠莫歸但覺穿雙屐老僧一身泉上住十  
年掃盡人間迹客到唯燒栢子香晨飢坐待山前粥

丈夫濟時誠妄語白首居山本良策茹蔬飯糗何足  
道純灰洗心聊自滌失身處世足愆尤愧爾山僧少  
憂責

郭祥正國博醉吟庵

姑熟溪頭醉吟客歸作茅庵劣容席團團鵠卵中自  
明窓前月出夜更清醉吟自作溪上語不學攤鼻維  
陽生詩成付與坐中讀知有清溪可終日作詩飲酒  
聊復同誰來共枕溪中石圓天方地千萬里中與此  
間大相似囂然一息不自停水火雷風相滅起直須  
只作此庵看歌罷曲肱還醉眠不用騎鯨學太白東



入滄海觀祭田

湖陰曲

老虎穴中卧獵夫不敢窺  
驂騮服箱驂盜驪巡城三  
匝漫不知帳中書夢日  
旌壁驚起知是黃須兒  
馬鞭七寶留道左猛士  
徘徊不能過遺矢如去  
冰已遙明日神兵下赤  
霄荒城至今人不任孤  
兔驚走風蕭蕭

舟次大雲倉回寄孔武仲

一風失前期十日不相見  
君帆一何駛去若乘風箭  
我舟一何遲出沒蔽葭  
亂甕中有白糟床上有  
黃卷妻孥不足共思子  
但長嘆池陽重相遇撫  
手成一髮

先行復草草回首空眷眷  
人生類如此遲速亦何筭  
一見誠偶然四海良獨遠  
相期廬山陰把臂上雲巘

池州蕭丞相樓二首

逸郭青峯睥睨屯入城  
流水穀文翻樓成始覺  
江山勝人去方知德業  
尊坐久浮雲霾後嶺酒  
醒飛雪變前村我來邂逅  
公歸國猶喜登臨共一樽

池守滕元發時將解去

丞相風流直至今朱欄仍對舊  
山林奔馳軒冕身何有  
跌宕圖書意最深松遶城頭  
風瑟縮江浮山外氣陰森  
三年不起南遷想應有前人  
識此心



過九華山

南遷私自喜者盡江南山孤舟少僮僕此志還復難  
芻促守破窻聯翩過重巒忽驚九華峯高拱立我前  
蕭然九仙人縹緲凌雲煙碧霞爲裳衣首冠青琅玕  
揮手謝世人可望不可攀我行竟草草安能拍其肩  
但聞有高士卧聽松風眠松根得茯苓牀若千歲龜  
煮食一朝盡終身棄腥羶腹背生綠毛輕舉如翔鸞  
相逢欲借問已在長松端何年脫罪罟出處良自便  
芒鞋挂藤杖逢山即盤桓斯人未可求巖室儻復存

佛池口遇風雨

長江五月多風暴欲行先看風日好北風忽作東南  
來陰雲如湧撥不開驚雷往還轉車轂狂波低昂起  
坑谷中流一葉那復持卷舒已付天公知解帆轉俺  
不容語佛池口中幸可住須臾急雨變昏霾施師喜  
賀風已回澄谿不動縈白練老木蒼崖蔚蔥蒨繫片  
茅屋得青蔬試問釣船還有魚開樽引滿向妻子明  
日復行未須憚陰陽開闔良等閑扁舟誰令乘嶮艱  
舟次磁湖以風浪留二日不得進于瞻以詩  
見寄作二篇答之前篇自賦後篇次韻  
慙愧江淮東北風扁舟千里得相從黃州不到六十



里白浪俄生百萬重自笑一生渾類世可憐萬事不  
由儂夜深寃夢先飛去風雨對床聞曉鐘  
西歸猶未有葦裘擬就南遷買一丘舟楫自能通蜀  
道林泉真欲老黃州魚多釣戶應容貫酒熟鄰翁便  
可留從此莫言身外事功名畢竟不如休

黃州陪子瞻遊武昌西山

千里到齊安三夜語不足勸我勿重陳起遊西山麓  
西山隔江水輕舟亂鳧鷖連峯多回溪盛夏富草木  
杖策看萬松流汗升九曲蒼茫大江湧浩蕩衆山蹙  
上方寄雲端中寺倚巖腹清泉類牛乳煩熱須一掬

縣令知客來行庖映脩竹黃鵝特新煮白酒近亦熟  
山行得一飽看盡千山綠幽懷苦不遂滯念每煩促  
歸舟浪花暝落日金盤浴妻孥寄九江此會難再卜  
君看孫討虜百戰不搖目猶憐江上臺高會飲千斛  
巾冠墮臺下坐使張公哭異時君再來攜被山中宿

將還江州子瞻相送至劉郎洑王生家飲別

相從恨不多送我三十里車湖風雨交

晉車武帝子故居其水曰

湖松竹相披靡繫舟枯木根會面兩王子喜眉雖異  
郡雞犬固猶邇相逢勿空過一醉不須起風濤未可  
涉隔竹見奔駛渡江買羔豚收網得魴鯉朝畦甘瓠



熟冬盎香醪羨鳥菱不論價白藕如泥耳誰言百口  
 活仰給一湖水奪官正無賴生事應且爾卜居請連  
 屋扣戶容疑履人生定何為食足真已矣愆尤未見  
 雪世俗多相鄙買田信良計蔬食期沒齒手持一竿  
 竹分子長湖尾

赤壁懷古

新破荊州得水軍鼓行夏口氣如雲千艘已共長江  
 險百勝安知赤壁焚觜距方強要一關君臣已定勢  
 三分古來伐國須觀釁意突成功所未聞

自黃州還江州

身浮一葉泛湓城凌犯風濤日夜行把酒獨斟從睡  
 重還家漸近覺身輕岸回樊口依稀見日出廬山紫  
 翠橫家在庾公樓下泊舟人遙指岸如頰

江州五詠

射蛟浦

萬騎巡遊遍千帆破浪輕射蛟江水赤教戰越人驚  
 山轉樓船影岸催連弩聲祈招無為賦酣寢盡平生

浦上積水均專洪武教樓船於此

浪井

江波浮陣雲岸壁立青鐵胡為井中泉湧浪時驚發



水性本無定得止自澄澈誰為女媧手補此天地裂

庾樓

元規情不薄上客有殷生夜半酒將罷公來坐不驚  
舞翻江月迥談落塵毛輕塵世風流盡高樓空此名

東湖

讀書廬山中作郡廬山下平湖浸山脚雲峯對虛榭  
紅蕖紛欲落白鳥時來下猶思隱居勝亂石驚湍瀉

李勃隱居廬山泉石奇勝今婁資寺其故居也及為九江太守始營東湖風物可愛

琵琶亭

湓江暮雨晴孤舟暝將發夜聞胡琴語展轉不成別

尊堂寄東林雅意存北闕潸然涕泗下安用無生說

不到東西二林

山北東西寺高人永遠師來遊亦前定回獨移時  
社散白蓮盡山空玄鶴悲何年陶靖節溪上送行遲

遊廬山山陽七詠

開先瀑布

山上流泉自作溪行逢石缺瀉虹霓定知雲外波瀾  
闕飛到峯前本末齊入海明河驚照曜倚天長劍失  
提攜誰來卧枕莓苔石一洗塵心萬斛泥

漱玉亭



山回不見落銀潢餘溜喧  
厖響石塘目亂珠璣濺空  
谷足寒雷電繞飛梁入瓶  
銅鼎春茶白接竹齋厨午  
飯香從此出山都不棄滿  
田秔稻插新秧

簡寂觀

山行但覺鳥聲殊漸近神  
仙簡寂居門外長溪爭客  
足山腰苦筍助盤蔬喬松  
定有臧丹處大石仍前拜  
斗餘弟子蒼髯年八十養  
生世世授遺書

歸宗寺

求聽歸宗早晚鐘疲勞懶  
上紫霄峯墨池漫疊溪中  
石白塔微分嶺上松佛宇  
爭惟一山甲僧厨坐待十

方供欲遊山北東西寺巖  
谷相連更幾重

此寺王逸少所置云

有墨池在焉

萬杉寺

萬本青杉一手栽滿堂白  
佛九天來

仁宗初年有僧手種萬杉特為

建此寺仍以涓涓石溜供厨足蠹蠹山屏逸寺開半

榻松陰秋簟冷一杯香飯  
午鐘催安眠飽食平生事  
不待山僧喚始迴

三峽石橋

三峽波濤飽泝治過橋雷  
電記當年江聲髣髴瞿唐  
口石角參差艷頰前應有  
夜猿啼古木已將秋葉作



歸船老僧未省遊巴蜀松下相逢問信然

白鶴觀

五老相攜欲上天玄猿白鶴盡疑仙浮雲有意藏山頂流水無聲入稻田古木微風時起籟諸峯落日盡生煙歸鞭草草還城市慙愧幽人正醉眠

南康阻風遊東寺

欲涉彭蠡湖南風未相許扁舟厭搖蕩古寺慰行旅重湖面南軒驚浪卷前浦霏微雪陣散顛倒玉山舞一風輒九日未悉土囊怒百里斷行舟仰看飛鴻度故人念征役一飯語平素竹色淨飛濤松聲亂和雨

我生足憂患十載不安處南北已無忘遲速何須數

寄題陳憲郎中竹軒

家有脩篁綠滿軒趨庭詩禮舊忘言凌霜自得良朋友過雨時添好子孫試翦輕筠扶野步旋收涼葉煮清樽風流共道勝桑梓鄰里何妨種百根

次韻孔武仲到官後見寄

舉榭同千里繫舟時一言共嗟蓬作屋願就席為門行後身先凶征商思益昏僅同登龍斷何止服車轅

次韻筠守毛維瞻司封觀修城三首

北垣荆棘舊成堆畱待公來次第開車馬已通城下



路榛蕪盡付冶家灰異時碧瓦千門合應記紅旌百  
度來自笑禪謀便曠野肩輿飛蓋許追陪

撥棄案頭文字堆曉晴山色四門開究懷氏事老雖  
壯俛首山城心已灰荆棘燒殘桑柘出狐狸去盡犬  
雞來規模先遣通蹊隧後乘應容衆客陪

山脚侵城起阜堆遠城微道斬新開闔半壞驚潮  
信隍壑初深見劫灰蟻聚千夫會幾日鱗差萬瓦看  
將來史君才力輕山郡朝論行聞急召陪

次子瞻夜字韻作中秋對月二篇一以贈正  
郎二以寄子瞻

平明坐曹黃昏歸終歲得閑惟有夜已邀明月出牆  
東更遣清風掃庭下城上青鬟四山合門前白練長  
江瀉誰家高會吹參差鄰婦悲歌春罷亞二年憂患  
今已過一夜清光天所借西京詩句出蘇李南國風  
流數王謝已隨孤棹去中原肯顧新科求上舍讀書  
本自比韞鍔學劒要須問曹蔗清觴灑灑君莫遠佳  
句駸駸予已怕狂夫猖狂終累人不返行遭親黨罵

又

十年秋月照相思相從祇有彭門夜露侵笳鼓思城  
闕寒迫魚龍舞潭下厭厭夜飲歡日足落落襟懷向



人瀉秋深河來巨野溢水乾樓起滕王亞北海孔公  
雖好客河內寇君那得借是非朝野忽紛紜得喪芳  
菲一開謝明月多情還入門流水何知空遠舍晨餐  
江市富鱸魴夜宿山村足梨蔗坐隅鵬鳥不須問牆  
外蝮蛇猶足怕婁公見唾行自乾馮老尚多誰定罵

次韻王適食茅栗

相從萬里試南餐對案長思首宿盤山栗滿籃蕪白  
黑村醪入口半甜酸又聞牛尾何曾識竊比雞頭意  
未安故國霜蓬如盃大夜來彈劍似馮驩

過毛國鎮夜飲

風格照人華省郎江山遠郭古仙鄉漫傳鉛鼎八百  
歲未比金釵十二行不動歌聲人已醉旋聞詩句夜  
初長簿書撥盡知餘力道院清虛頃未嘗

次韻毛國鎮趙景仁唱和三首一贈毛一贈

趙一自詠

治劇從容緩束銜鈴軒無事日清談集旃畫戟明千  
里紙帳繩床白一庵金奏屢陳容客和玉山不動看  
賓出我來避治逢寬政忘却漂流身在南  
一紙新詩過鴈銜雖然何異接君談奉親魚蟹蕪臨  
海退食琴書定有庵一別經年真似夢多憂不飲亦



如醉共君交契非今日蔽芾棠陰自劔南  
遠謫江湖舳尾銜到來辛苦向誰談畏人野鶴長依  
嶺厭事山僧祇住庵黃雀頓來成一飽白醪新熟喜  
初醉踈頑近日尤堪笑坐任飄風去自南

再和 three 首

穴鼠何須窺藪銜龕官不用苦高談夜傾冰蟻風吹  
竹晝擁黃紬雪覆庵每作微詞還自笑偶漸餘潤亦  
成酣公詩精絕非倫擬自古騷人盡在南

燕窠泥上一春銜慙愧封侯止立談舊隱尚聞存竹  
徑歸休但要葺茅庵釣船夢想沿溪泛酒盞遙思向

日酣強欲遲留依幕府共公行恐召河南  
天教窮困欲誰銜生事那須一一談自笑豐年塵滿  
甌不堪雨後茵生庵士師憔悴經三黜陶令幽憂付  
一酣它日歸耕若相憶尺書頻寄北山南

次韻王適州學新修水閣

黃鐘巨挺兩春容何幸幽居近學宮坐對江山增浩  
氣力追齊魯欲同風頌詩聞道求何武家法行看試  
左雄欲伴少年遊矍相奔軍慙愧恐詞窮

次韻毛君九日

山脚侵城盡是臺登高處處喜崔嵬手拈霜菊香無



卷十  
十一  
奈面拂江風酒自開幕府樽壘雲裏集民家歌吹靜  
中來定知勝却陶彭澤悵望籬邊白日頽

次韻毛君感事書懷

種棠經歲便成科秋雨調勻氣漸和才力有餘嫌事  
少風情無限覺詩多長松更老仍添節古井雖深自  
不波宴坐山房人豈識一樽聊且慰蹉跎

次韻毛君見督和詩

新詩落紙一城傳顧我踈蕪豈足編它日杜陵詩集  
裏芾迢略見兩三篇

次韻毛君山房遣興

欲就陽崖暖新開石磴斜誰言太守宅自是野人家  
燕坐收心鑑冥觀閔界沙退公長寂寞外物自喧譁  
缺逕移松補斜陽種竹遮白雲生後礎孤鷺伴殘霞  
破悶時尋鶴呼眠亦任鴉喜聞糟出甕屢問菊開花  
古井元依斗丹砂舊養芽蚍蜉頻上案猿狖巧分樵  
客到扁舟遠年侵兩鬢華心搖掛風旆眼暗隔輕紗  
強撥橫肱睡來從插版衙隱居慙棄擲勝地每咨嗟  
頑鈍終何取彫磨豈復加焦先夙所尚園舍恰如蝸

和胡教授蒙太守策試諸生

著籍初同闕里多采芹先致魯風和欲將大策觀曾



膽盡召中堂列馬鵝終日正言何忌諱幾人餘力尚  
委蛇豈惟太守知爲政仍見先生善設科

和毛君州宅八詠

鳳凰山

山川蟠踞偶成形威鳳低回久未行更種梧桐真可  
致高飛性似伯夷清

披仙亭

仙翁舊住蜀江邊千歲歸來一鶴翩城郭已非人事  
改淒涼遺迹但披仙

方沼亭

池上茅簷覆水低早來秋雨尚虹霓敗荷折蒂飛鴻  
下正憶漁舟泊故溪

翠樾亭

一夜飛霜點綠苔曉庭黃葉掃成堆簷間翠樾彫踈  
盡却放牆東好月來

李八百洞

洞府山川百里賒洞門藤蔓鎖煙霞神仙不與人間  
異弟妹還應共一家

煉丹片

鑿井燒丹八百年塵緣消盡果初圓石床蘚斃人安



集城集 卷十 十五  
在淥水圓團一片天

磨劍池

神仙鑄劍本無刃  
岸石斑斑尚鐵銼  
天上少年仍狡獪  
不須還爾對方平

山房

岸幘攜筇夜夜來  
蒲團紙帳竹香臺  
直須覓取僧爲伴  
更爲開庵斲草萊

次韻毛君病中菊未開

病勝秋深霧雨傷  
舊繒故絮喜清涼  
菊花金粟未曾吐  
桂酒鵝兒空自黃  
草木亦知年有閏  
風霜漸近月

方陽

十月爲陽月

得詩聞道維摩病  
欲欲到毗耶言已忘

雨中宿酒務

微官終日守糟釘  
風雨淒淒夜渡江  
早歲謬知儒術貴  
安眠近喜壯心降  
夜深唧唧醅鳴壑  
睡起蕭蕭葉打窓  
阮籍作官都爲酒  
不須分別恨南邦

次韻毛君經旬不用鞭扑

共喜秋深酒味醇  
官曹休暇不須旬  
政寬境內棠陰合  
訟去庭中草色新  
不惜牛刀時一割  
已因鼯鼠發千鈞  
歲終誰爲公事考  
豈止江西第一人

次韻李撫辰屯田修州門



六月江濤壁壘頽蒼崖翠甃就新臺咄嗟雙闕還依  
舊咫尺群山信有材畫戟風生兩衙退飛橋日出萬  
人來不因毀圯催興築誰見雍容治劇才

飲酒過量肺疾復作

朝蒙翹塵居夜傍糟床卧鼻香黍麥熟眼亂瓶罌過  
囊中衣已空口角涎虛墮嘗未去足盜醕恐深坐  
史君信寬仁高會慰寒餓西樓適新成明月猶半破  
擁簷青山橫拂檻流水播雕盤貯霜實銀盞薦秋糯  
共言文字歡豈待紅裙佐惟知醞醕滑不悟頗羅大  
夜歸肺增漲晨起脾失磨情懷忽牢落藥餌費調和

衰年足奇窮一醉仍坎坷清樽自不惡多病欲何奈  
聞公話少年舉白不論箇歌吟雜嘲謔笑語爭掀簸  
平明起相視銳氣曾未挫達人遺形骸駑馬懷豆莖  
不知逃世網但解憂歲課不見獨醒人終費招蒐些

衢州趙閱道少師濯纓亭

掛冠纓上已無塵猶愛溪光碧照人點檢舊遊黃石  
在掃除諸念白鷗親一樽父老囊金盡三逕松筠生  
事貧它日南公數人物丹青添入縣圖新

茶花二首

黃葉春茅大麥麓傾山倒谷採無餘只疑殘枿陽和



盡尚有幽花霰雪初耿耿清香崖菊淡依依秀色嶺  
梅如經冬結子猶堪種一畝荒園試爲鉏

細嚼花鬚味亦長新芽一粟葉間藏稍經臈雪侵肌  
瘦旋得春雷發地狂開落空山誰比數烝烹來歲最  
先嘗枝枯葉硬天真在踏遍牛羊未改香

次韻毛君山房卽事十首

案牘希踈意自開夜闌幽夢曉方回青苔紅葉騷人  
事時見詩筒去又來

東晉仙人借舊山定應天意許公閑郡人欲問史君  
處笑指峯巒紫翠間

蛩知秋候時鳴壁香礙蒲簾不出門隱几無言心有  
得南窓晴日暖侵軒

溪山付與醉中仙美酒何曾斗十千就得江邊賤魚  
稻閑官未用苦相憐

忘身先要解忘名分別須臾起不平請看早朝霜入  
履何如卧聽打衙聲

禽哢秋來不復圓桐陰霜後亦成穿黃花強欲招酣  
飲白髮偏工報老年

邂逅清歡屢不期病來無奈羽觴飛醉乘籃輦江邊  
去長伴漁舟月下歸



醉裏題詩偏韻惡秋來勸酒益盃深不才多病俱非  
敵綠綺綠何得報金

庵中獨宿雨垂垂永夜無人款竹扉灰冷銅爐香欲  
滅床頭一點鴈燈微

觸事隨緣不用多華堂玉食奈憂何美人未厭山阿  
陋薜荔為裳帶女蘿

再和十首

澗草巖花日日開江南秋盡似春回旋開還落無人  
顧惟百山蜂暖尚來

江上孤城面面山居人也自不曾閑蜂遊蟻聚知何

事日夜長橋南北間

城郭村墟共水雲橫籬竹屋映柴門隱居亦有高人  
在岸憤無言倚釣軒

一官踈散自疑仙三考應成醉日千早病固須閑地  
著多憂長被達人憐

養生尤復要功圓溜滴南溪石自穿近見牢山陳道  
士微言約我更二年

牢山東道士璞近蜀此中竟無所云約三年當再見

張公詩社見公名

公昔與張自達為唱和之友

白首山城嘆不平

坐客要聞新樂府應須湓口琵琶聲

高情日與故山期鴻鵠誰言也倦飛且聽漁人強哺



啜坐中羈客畏公歸  
天為多才故欲禁府門摧落漲江深鼎新翠壁排精  
鐵湧出飛樓直百金  
樓上青山遶四垂畫橋百步引朱扉落成當輿公同  
上一看長江白練微  
歌舞留賓意自多華燈數問夜如何白頭病客無才  
思慣卧茅庵長薜蘿

筠州二詠

牛尾狸

首如狸尾如牛攀條捷嶮如猱猴摘柚為漿栗為餽

筋肉不足惟膏油深居簡出善自謀尋蹤發窟并執  
囚蓄租分散身為羞松薪瓦甑烝浮浮壓入糟盎肥  
欲流熊肪羊酪真比儔引筋將舉訊何尤無功竊食  
人所仇

黃雀

秋風下黃雀飛禾田熟黃雀肥群飛蔽空日色薄遂  
巡百頃朱為稀翩翩巧捷多且微精丸繳妙舉輒違  
乘時席勢不可揮一朝風雨寒霏霏肉多翅重天時  
非農夫舉網驚合圍懸頸系足膚無衣百箇同缶仍  
相依頭顱萬里行不歸北方人居厭羔豨咀噍聊發



一笑歛

樂城集卷第十

樂城集卷第十一

詩八十六首

和毛君新葺困庵船齋

厭居華屋住東庵真味全勝食薺甘多病維摩長隱  
几無心彌勒便同龕誤遊田舍空成笑謬入僧房郎  
欲參風霽不知吹有萬月明聊共影成三齋如小舫  
才容住室類空困定不貪擁褐放衙人寂寂脫巾漉  
酒鬢髮上畫囊書帙惟窓案藥裹瓢樽掛壁籃簷竹  
風霜曾不到盆花蜂蝶未全諳公餘野鵲驚初睡賓  
醉佳人笑劇談勸客巨觥那得避和詩難韻不容探



曉來霏霧連江氣冬後溫風帶嶺嵐去國屢成還蜀  
夢忘憂惟有對公酣終身徇祿知何益投檄歸耕貧  
未堪借我此庵泥藥竈古書鴻寶試淮南

寒雨

江南殊氣候冬雨作春寒冰雪期方遠蕉絺意始闌  
未妨溪草綠先恐嶺梅殘忽發中原念貂裘據錦鞍

積雨二首

山雨無時歇江波上岸流泥深未免出橋斷更堪憂  
房淺鄰糟甕宵寒攬絮裘朝來勢未已歸路恐操舟

又

微陽力尚淺未解破重陰雲氣山川滿江流日夜深  
凍牙生滯穗餘潤及重衾泥濘沉車轂農輸細苦心

戲贈李朝散

江霧霏霏作雪天樽前醉倒不知寒後堂桃李春猶  
晚試覓酥花子細看

戲荅

銀餅瀉酒正霜天玉塵生風夜更寒下客不辭投轄  
飲好花猶恐隔簾看

臨蕭氏家寶堂

高人不解作生涯唯有中堂書五車竹簡多於孔氏



壁牙籤新似鄴侯家田園豈是子孫計青紫今為理  
巷誇富貴早知皆有命君應未厭十年賒

和蕭利察推賀族叔司理登科還鄉四首

家聲籍籍大江西臨老揮毫棒御題得意何殊少年  
樂還家不惜醉如泥

讀盡家藏萬卷書蕭然華髮官遊初區區獄掾何須

愧聊把春秋試緒餘

法儒以春秋史獄

作官未減讀書勤簿領從今日日新汗簡帛編誰付  
予傳家應有下帷人

巷南諸子足才賢邂逅相逢秀句傳強作短章同寄

與異時見我一依然

次韻吳厚秀才見贈三首

騷人思苦骨巖巖百里攜詩相就談故作微詞挑遷  
客不嫌春雨濕歸衫少年舊喜登高賦老病今成見  
敵慙問我近來誰復可對君聊擬誦周南

久欲歸田計未成羨君負郭足為生躬耕不用千鍾  
祿高卧誰知萬里征已覺安閑真樂事可憐辛苦盡  
浮名隱居便作江南計為覓佳山早寄聲

一卷新詩錦一端掉頭吟諷識芳酸哀歌永夜悲牛  
角朗詠扁舟笑杏壇間發笙簧猶可擬棄捐斤斧定



知難繼君高韻君應笑咀嚼歸途久據鞍

次韻毛君燒松花六絕

茅庵紙帳學僧眠爐爇松花取易然惟有未能忘酒  
石手傾金盞鬪垂連

餅雜松黃二月天盤敲松子早霜寒山家一物都無

棄恨籍乾花最後般蜀人以松黃為餅甚美

松老香多氣自巖餘煙勃鬱透疎簾湏臾過盡惟灰

在借問誰收一番炎

美人懶甚插開扉金作松花插罽羅幾度低頭疑墮

落青煙已斷未消時

枯萼鱗皴不復豎重重正似半開蓮曾今樵舍埽爐

見未許邦君畫閣然

黃蠟供炊目一家錙銖貧富遞矜誇都城爭買方薪

貴却顧松花已自奢

陪毛君遊黃仙觀

李叟仙居仍近市黃公道院亦依城定應昔日山林  
地未有今時雞犬聲白鶴翻飛終不返黃冠憔悴只  
躬耕試從車騎尋遺跡恐有居人解養生

次韻王適梅花

江梅似欲競新年照水窺林能愈妍霜重清香渾欲



蘇坡集 卷十一  
滴月明素質自生煙未成細實酸猶薄半落南枝意  
可憐誰寫江西風物樣徐家舊有數枝傳

次韻王適春雪二首

江南春後寒猶劇細雨風吹作雪花中夜窓扉初晃  
漾平明草木半低斜潤催江柳排金線光雜山茶點  
絳葩老病不堪乘曉出紛紛能使髮增華

春雪飄搖旋不成依稀履跡散空庭山藏複閣猶殘  
白日照南峯已半青

毛君惠溫柑荔支二絕

楚山黃橘彈丸小未識洞庭三寸柑不有風流吳越

容誰令千里送江南

荔子生紅無奈遠陳家臘白到猶難雖無驛騎紅塵  
起尚得佳人一笑歡

次韻王適遊真如寺

江上春雨過城中春草深擾擾市井塵悠悠溪谷心  
東郊大愚山自古簷蔔林微言久不聞墜緒誰當尋  
道俗數百人請聞海潮音齋罷車馬散方籟俱消沉  
新亭面南山積霧開重陰蕭然偶有得懷抱方惜惜  
我生米鹽間日被塵垢侵不知山中趣強作山中吟

韻次王適新鷺



好雨纖纖潤客衣  
新來雙鷺力猶微  
似嫌春早無人見  
故待簾開掠地飛  
用國花期知不遠  
中原寒劇不應歸  
養雛不怕巢成早  
記取朝朝爲啓扉

官居即事

官局紛紜簿領迷  
生緣瑣細老農齊  
偷安旋種十年木  
肉食還須五母雞  
對酒不嘗憐酤榷  
釣魚無術漫臨溪  
此身已分長貧賤  
執爨縫裳愧老妻

陪毛君夜遊北園

池塘草生春尚淺  
桃李飛花初片片  
一樽花下夜忘歸  
燈火尋春畏春晚  
春風暗度人不知  
滿園紅白已

離披江南春雨少  
晴日露坐青天能  
幾時折花只恐傷  
化意攜客就花花  
定喜落蘂飄香翠  
袖中交柯接葉燈  
光裏兩練風柔雪  
不如精神炫轉影  
扶踈夜香飛鷺勝  
朝日月暗還須明  
月珠美人勸我殊  
非惡明日雨來無  
此樂醉歸不用怕  
山公馬上接羅先  
倒著

山橙花口號

故鄉寒食茶蘼發  
百和香濃村蔓深  
漂泊江南春欲盡  
山橙髮髯慰人心

次韻馮弋同年

細雨濛濛江霧昏  
坐曹聊且免泥奔  
賣鹽酤酒知同



病一咲何勞賦北門

送王適徐州赴舉

送別江南春雨淫北方誰是子知音性如白玉燒猶  
冷文似朱弦叩愈深萬里同舟寬老病一杯分袂發  
悲吟明年榜上看名姓楊柳春風正似今

遊吳氏園

細雨作寒晴便暖好風吹袂意初佳清池解洗春心  
熱紅艷能添醉眼花紫竹暗生岷岫笋山丹強比洛  
人家怜渠巧與閑官便申退來遊未覺賒

江州周寺丞夷詠亭

行過廬山不得上湓江城邊一幘帳羨君山下有夷  
亭千巖萬壑長相向山中李生好讀書出山作郡山  
前居手開平湖浸山脚未肯卽與廬山踈道州一去  
應嫌遠千里思山夢中見青山長見恐君嫌要須罷  
郡歸來看

次韻毛君遊陳氏園

增築園亭木草新損花風雨怨頻頻簷管似欲迎初  
暑芍藥猶堪送晚春簿莫出城仍有伴移壺籍阜更  
無巡歸軒有喜知誰見道上從橫滿醉人

江漲



山中三日雨江水一丈高崩騰沒洲渚淫溢侵蓬蒿  
凌晨我有適出門舟自操中厪已易肆下道先容舫  
雞犬萃墳冢牛羊逾圈牢厨薪散流枿困米爲浮糟  
卧席不遑卷刺重仍未錄老弱但坐視閭里將安逃  
徙居共擾擾來勢方滔滔嗟余偶同病哀爾爲生勞  
晴日慰人願寒風送驚濤藩籬出舊趾羸蚌遺平臯  
流窳非擇地艱難理宜遭胡爲苦戚戚一夕生二毛

和子瞻鐵拄杖

截竹爲杖瘦且輕石堅竹破誤汝行削木爲杖輕且  
好道遠木折恐不到閩君鐵杖七尺長色如黑虵氣

如霜提攜但恐汝無力撞堅過險安能傷柳公雖老  
尚強健閉門却掃不復將知公足力無嶮阻憐公未  
有登山侶回生四海惟一身袖中長劍爲兩人洞庭  
漫天不覺過半酣起舞驚鬼神願公此杖亦如此適  
意遨遊日千里歸來倚壁示時人海外蒼茫空自記

競渡

史君欲聽榜人謳一夜江波拍岸流父老不知招屈  
恨少年爭作弄潮游長鯨破浪聊堪比小旆迎風殊  
未收角勝爭先非老事凭欄寓目思悠悠

登郡譙偶見姜應明司馬醉歸



蒼然莫色映樓臺  
江市遊人夜未迴  
何處酒仙無一事  
肩輿鼾睡過橋來

送姜司馬

七歲立談明主前  
江湖晚節弄漁船  
關雉誰識城東老  
喪馬方知塞上賢  
生計未成歸去詠  
草書時發醉中顛  
當年不解看齊物  
氣踴如山誰見憐

寄題趙岬承事戲綵堂

春晚安輿遍浙東  
永嘉別乘喜無窮  
橐裝已笑分諸子  
吏道何勞問薛公  
堂上壽樽諸椽集  
室中禪論衲僧通  
興闌却返林泉去  
幕府長留孝弟風

次韻溫守李鈞晃寄蕪簡毛夫人

梁苑相從簿領中  
清風相逐畫船東  
婆娑江海凌雲鶴  
飲啄籠樊失渚鴻  
別後丹砂迷舊訣  
愁來白髮變衰翁  
此間詩老仍勅敵  
正憶高吟酒盞空

次韻洞山克文長老

無地容錐卓年來  
轉覺貧偶知珠在手  
一任甌生塵竄逐  
非關性顛狂却甚真  
此心誰復識試語洞山人

試院唱酬十一首

戲呈試官呂防

新秋風月正涼天  
空館相看學坐禪  
滿榻詩書愁病



眼隔牆砧杵思高眠霜飛一葉凋瓊玉風透雙松奏  
管絃聞道熊羆歸夢數侵天闌棘漫森然

次韻呂君豐城寶氣亭

紫氣飛空不日謀誰憐黽勉匣中雷西山猛獸橫行  
甚北海長鯨何日收星斗不堪供醉舞蛟龍會看反  
重湫功成變化無蹤迹望斷中原百尺樓

次韻呂君見贈

偶然傾蓋接清言不覺門前晝漏傳老病低摧方伏  
櫪壯心堅銳正當年莫嫌客舍一杯酒試論瀟山三  
祖禪明日程文堆几案只應衰懶得安眠

呂前官歸  
州問禪瀟

山

次韻呂君興善寺靜軒

自恨尋山計苦遲年過四十始知非小軒迎客如招  
隱野鳥窺人自識機窓外竹深孤鶴下堦前菊秀晚  
蜂飛老僧戰勝長幽寂瘦骨綠何未肯肥

觀試進士呈試官

松庭散朝日棘戶啓秋風鵠鷺紛來下旌旗儼未攻  
馳詞看倚馬餘送力征鴻逸足誰先到孤標想暗空  
晶熒雙鏡並高下片言公老病方耽睡飛沉一夢中

次前韻



南國號多士幾人洙泗風英材自入穀壤陣不勞攷  
文縉山藏豹飛高弋慕鴻蚩妍歸品藻得失付虛空  
考行先推本登賢旋奏公期君緩歸轡一醉鹿鳴中

戲呈試官

只隔牆東便是家悄悄還似在天涯客心不耐聽松  
雨歸信猶堪飲菊花翦燭看書良寂寞披沙見玉忽  
喧譁自慙空館難留客試問姮娥稍駐車

次前韻三首

老去在家同出家楞伽四卷即生涯麓詩怪我心猶  
壯細字憐君眼未花霜落初驚衾篋冷酒酣猶喜咲

言譁歸心知有三秋恨莫學忽忽下坂車

門前溪水似漁家流浪江湖歸未涯邂逅高人來說  
法支離枯木旋開花諸生試罷書如積劇縣歸時訟  
正譁安得騎鯨從李白試看牛女轉雲車  
濁醪能使客忘家屈指歸期已有涯魚化昨宵驚細  
雨鹿鳴它日飲寒花已諳江上肴蔬薄莫笑衙前鼓  
笛譁太守况兼鄉曲舊會須投轄止行車

試罷後偶作

重門閉不開烏鳥相呼樂是暉轉簾影微風響松未  
喧譁適已定寂歷方有覺人生竟何事外物巧相縛



當時不自悟已過空成作耕耘亦何苦遊官殊自惡  
棄彼既已誤就此良應錯誰能即兩忘隨緣更無作

放榜後次韻毛守見招

飽食安眠愧不材踈簾翠帟幸相陪深居正厭銀袍  
亂失喜初聞鐵鎖開佳句徑蒙探古錦小槽仍報滴  
新醅諸人欲見風流伯不用招呼亦自來

送毛滂齋郎

先志承顏善養親束裝騎馬試爲臣酒腸大與渾無  
敵詩律家傳便出人擁鼻高吟方自得折腰奔走漸  
勞神歸來一笑湏勤取花發陳吳二月春

燕貢士

泮水生芹藻干旄在浚城桑鶚同變響苹鹿共和鳴  
秋晚槐先墮霜多桂向榮清樽助勸駕急管發驩聲  
勇銳青衿士淹通白髮生芬芳雜蘭菊變化等鷗鯨  
去日衣冠盛歸時里巷驚坐中詞賦客愧爾一經明

次韻毛君清居探菊

眼前黃葉畏秋霜耳畔啼蛩恐夜長佳節欣聞近萸  
菊清商試爲奏伊涼踈狂久咲謀生拙貧病應憐爲  
日忙今日共公判一醉從教人道亦高陽

次韻毛君見贈



江國騷人不耐秋夜吟清句曉相投鋒藏豈願囊中  
腕尾斷終非俎上羞擇地何年真得意舖糟是處可  
同遊南遷尚有公知我人事何須更預謀

次韻毛君偶成

年來衰病正相兼薄官奔馳尚未厭詩句空多渾漫  
與俗緣已重不須添聱牙向物知難合踈懶憐公獨  
未嫌時聽淵明詠歸去猶應為我故遲淹

孔平仲著作江州官舍小庵

近山不作看山計引水新成照水庵閉口忘言中自  
飽安心度日更誰參簡編圖遠穿書蠹窓戶低回作

蟹螯我亦一軒容膝住弊裘麤飯有餘甘

送饒州周沃秀才免解

少年工作賦中歲復窮經驥老終知道劔埋新發劓  
束裝鄰里助答策友朋聽還似臨淄賁隨風起北冥

雪中洞山黃檗二禪師相訪

江南氣暖冬未回北風吹雪真快哉雪中訪我二大  
士試問此雪從何來君不見六月赤日起冰雹又不  
見臘月幽谷寒花開紛然變化一彈指不妨明鏡無  
纖埃

毛國鎮生日二絕



續城集 卷十一 十一  
生日元同小趙公里間相接往還通恠公日夜歸心  
切欲寄此生丹竈中

在謂叔平大趙參政閱道小趙參政趙公善養生故有丹灶之

聞公歸橐尚空虛近送楞嚴十卷書心地本無生滅  
處定逢生日亦如如

次韻毛君將歸

踈傳思歸不待時孟軻出晝苦行遲新詩尚許雷章  
句故事誰從問典彝金馬尚應堪避世石泉未信可  
忘飢不才似我真當去零落衡茅隔雍岐

送揚騰山人

曾中萬卷書不如一囊錢不見楊夫子歲晚走道邊  
夜歸空床卧兩手摩涌泉窻前雪花落真火中自然  
渙然發微潤飛上崑崙顛霏霏雨耳露稍稍流丹田  
閉目內自視色如黃金妍至陽不獨凝當與純陰堅  
一窮百不遂此事終無緣君看抱朴子共推古神仙  
無錢買丹砂遺恨盈塵編歸去守茅屋道成要有年  
次韻子瞻與安節夜坐三首

前山積雪暮崢嶸燕坐微聞落瓦聲共對一樽通夜  
語相看萬里故鄉情信歸嶺上寒梅遠恨極江南春  
草生明日青銅添白髮且須醉睡倒燈檠



少年高論苦崢嶸老學寒蟬不復聲目斷家山空記  
路手披禪冊漸忘情功名久已知前錯婚嫁猶須畢  
此生家世讀書難便廢漫留案上鐵燈檠  
謫官似我無歸計落第憐渠有屈聲握手天涯同一  
笑倚門歲晚不勝情黃岡俯仰成陳迹白首蹉跎畏  
後生歸去且安南巷樂莫看歌舞醉長檠

次韻毛君上書求歸未報

白髮憂民帶減圍頻聞慷慨賦將歸近傳道士連三  
嚙又悟禪門第一機夜來庵中詩自得日高門外客  
來稀此心素定誰能勸祇有丁寧詔莫違

次韻毛君絕句

中池有士閉重關夜發天光走玉環白日對人人不  
識幅巾破褐任塵漫

次韻毛君留別

問天乞得不訾身屈指人間合幾人魚縱江潭真窟  
宅鶴飛松嶺倍精神清風吹雨停歸騎舊圃留花送  
晚春自號白雲知有意便從丹竈拂埃塵

送毛君致仕還鄉

古人避世事豈問家有無但言鴻鵠性不受樊籠拘  
公家昔盛時阡陌連三衢倉廩濟寒餓婚嫁營羈孤



千金赴尚義脫手曾須臾晚爲二千石得不償所通  
撫掌不復言但以文字娛我恨見公遲冉冉垂霜鬚  
高吟看落筆劇飲驚倒壺負罪不自知適意忘憂虞  
忽聞叩天閭言旋故山廬朋友不及謀親戚亦驚呼  
人生各有意何暇問俗徒嗟我好奇節嘆公真丈夫  
天高片帆遠目斷清風徂惟應東宮保迎笑相携扶

贈景福順長老二首

并叙

轍幼侍先君聞嘗遊廬山過圓通見訥禪師晉連  
父之元豐五年以譴居高安景福順公不遠百里  
惠然來訪自言昔從訥於圓通逮與先君遊歲月

遷謝今三十六年矣二公皆吾里人訥之化去已  
十一年而順公年七十四神完氣定聰明了達對  
之悵懷想疇昔作二篇贈之

屈指江西老多言劔外人身心已無著鄉黨漫相親  
窟逐知何取周旋意甚真仍將大雷雨一洗百生塵  
又

念昔先君子南遊四十年相看順老在想見訥師賢  
歲歷風輪轉禪心海月圓常情計延促無語對潸然  
次贈孔平仲著作見寄四首

昔在京城南成均對茅屈清晨徒履過不顧車擊轂



特有江南生能使多士服同儕畏鋒銳兄弟更馳逐  
文成劇翻水賦罷有餘燭連收領底髭未耗髀中肉  
飛騰困中路黽勉啄場粟歸來九江上家有十畝竹  
一官粗包裹萬卷巾自足還如白司馬日聽杜鵑哭  
我來萬里外命與江波觴罪重慙故人囊空仰微祿  
已爲達士笑尚謂愚者福米鹽日草草奔走長碌碌  
尺書慰貧病佳句爛珪王多難畏人知胡爲強題目  
徂年慕桑梓歸念寄鴻鵠但願洗餘愆躬耕江一曲

又

共居天地中大類一間屋惟排出高下何異車轉轂

死生本晝夜禍福固倚伏誰令塵垢昏浪與紛華逐  
譬如薪中火外照不自燭感君探至道勸我減菜肉  
虛心有遺味實腹不須粟芬敷謝桃杏清勁比松竹  
息微知氣定睡少驗神足胡爲嗜一飽坐使百神哭  
要知丹砂異不受腥腐觸可林山憐姿目縛斗升祿  
君看出世士肯屑世間福寧從市井游與衆同碌  
不願束冠裳腰金佩鳴玉斯人今何在未易識凡目  
恐在廬山中飛翔逐黃鵠試用物色尋應歆紫芝曲

又

百病侵形骸漸老同破屋中有一寸空能用輻輳



忽如州砂走不受凡火伏前瞻意不遠後躡愈難逐  
將炊甑中飯未悟窓下燭聰明役聲形口腹嗜魚肉  
塵泥鬢泉井荆棘敗禾粟未知按妙指漫欲理絲竹  
廬山多名緇過客禮白足達觀等存亡世俗強歌哭  
確然金石心不畏蚊蚋觸順忍爲裳衣供施謝榮祿  
真人我自有渡海笑徐福衆皆指庸庸自顧非碌碌  
愧君詩意厚桃李報瓊玉舉網羅衆禽有獲非一目  
喧啾定無用要自取黃鵠君看大方家慎勿留一曲

又

治生非所長兒女驚滿屋作官又迂踈不望載朱轂

因緣罪罟未許即潛伏空餘讀書病日與古人逐  
老妻憐眼昏入夜屏燈燭上官念貧窶時節饋醪肉  
衰年類蒲柳世事劇麻粟數日望歸田寄語先栽竹  
文章亦細事勤苦定何足君詩四相攻欲看守俾哭  
愧無卽墨功不解火牛觸自非太學生彫琢事干祿  
安心已近道閉口豈非福胡爲調狂詞玉石相落祿  
腹中抱丹砂舌下漱白玉作詩雖云好未免亂心目  
弈秋教二人不取志鴻鵠摩詰非不言遺韻寄終曲

陰晴不定簡唐觀秘校并教吳二君五首

積雨春連夏新晴忽復陰江痕漲猶在梅氣潤相侵



蕉紵還須脫圖書漸不禁江南舊風俗愁絕北來心

又

蠶眠初上簇麥熟正磨鎌雲氣重重合江流夜夜添  
荐飢人甚困多病我仍兼欲就橋南宿單衣莫雨露

又

漲江方斷渡小棹信輕生貧賤誰憐汝漂浮空自驚  
一官終竊食何計早歸耕忽發騷人恨淒涼又未平

又

西隣豫章客病骨瘦纒纒清夜眠孤枕終朝飽 簞  
雨多愁不出講罷未應餐約我晴相過門前泥欲乾

二子薪中楚相攜泮上游壅鹽聊度日爰象又忘憂  
寂寞君何病驅馳我自羞何時采芹處永日看烏鷗



國

卷十一

十九



